



OMUKWETU

No 15

AUGUSTE

1965

TILA KALUNGA OVE U WANIFE OIPANGO YAYE.

Omuuv. 12: 13-14.



Omukainhu omusamaria okwa li yo e na oikalunga youlunde. Meenghundafana davo na Jesus pomufima, oikalunga ei oya tekauka po.

Omwene Kalunga oye mwene ta popi meendjovo daye ta ti: Ame Kalunga koye ou nde ku pitifa meendjala nomomanota nomomitenya nomomoluteni nomomaudu nomoiponga yomikifi i ilili nokulili. Ino kala nokufimaneka nge pamwe noikalunga. Ngenge hatu lesa mOmbibeli yetu, ohatu udu oiwana ihapu ya fimaneka oikalunga komesho ya Kalunga omunamwenyo. Ngenge hatu tale mefimbo eli letu lopaife, mwa fa itamu monika naanaa efimaneko loikalunga ngashi la li pomafimbo enya onale. Vahapu kaimba tamu ti: Ovanhu venya ova li omalai. Ndelene hasho, osheshi oikalunga nopfimbo eli letu lopaife oiyadi mo mo-


kati ketu.

Kaimba wa hala u pule nge u tye: Oikalunga oyo twa fimaneka unene komesho ya Kalunga oya shike? Ovanhu vahapu twa fimaneka eengeshefa detu komesho ya Kalunga. Vamwe twa fimaneka okuvaka. Vamwe twa fimaneka okuhepeka nokudipaa. Vamwe twa fimaneka oukolwe noluhaelo. Vamwe twa fimaneka okusheka eendjovo da Kalunga novaudifi vado nosho tuu. Oinima oihapu twe i fimaneka okwilonga komesho ya Kalunga Omushiti wetu. Hano okulonga oinima ei aische, oko okufimaneka oikalunga ponhele yOmushiti wetu.

Omukwetu, lesa Ombibeli yo-

ye, Jes. 42: 17. Omwene Kalunga ota ti: Ino fimaneka nge pamwe noinima aische ei ya tya ngaha, osheshi ame oKalunga kouyelele. Omukwetu, ino loloka, lesa natango Omuuv. 12: 1 na Jer. 11: 3-4. Ovanhu vahapu paife ohatu lalakanene notwa teeelala efiku lekutuko lounyuni ou li fikē diva, ndele vahapu twa dimbwa okulalakanene nokukala twa telela efiku lekutuko lokombada moukwalushe ku Sion, omo fye atushe twa teeelwa mo.

Kaume ila tu ye ngaashi tu li, nomawii omatimba etu aeshe. Tu a hepaulule koshipala sha Tate Kalunga Omushiti wetu, oye ote tu dimine po, nohatu kala twa yela. Abraham Jakob.



OMUKWETU

Auguste 1965

OMANYOLO OTAA KA WANIFWA! LUNGAMENA EFIMBO LOYE!

Litaleni hano nawa nghe hamu ende, ha ngomalai, ahowe ongovana-ndunge, Ef.5:15.

Ovamwameme, ohandi ti, efimbo olihupi, 1Kor.7:29a.

Mokwendafana na ovo vopondje, kaleni mu neendunge nye mu dimbuluke efimbo la wapala, Kol.4:5.

Tala, efimbo la wapala opaife, tala, efiku lehupifo opaife, 2Kor 6:2b.

Dimbulukwa yo omushiti woye pomafiku onyasha woye, manga omafiku mai inaa fika nomido tandi ehene. Etango nouyelele nohani neenyofi manga inadi laula omudimbi. Fiku olo ovanangeli veumbo tava ka kaka-ma novalumenhu omapenda ve lingo-nya noonakutwa poshini va dimbuka. Manga ongodi yoshisilveri inayi toka noshiyuma shoshingoli inashi tataka nokuulu kwokuteka omeva inaku teka po. Nofimbo ondwi tai ka shuna medu ngashi ya li mo nomhepo tai shuna ku Kalunga, Omuuvithi 12.

Fiku omwengeli ta ka ana ku ou ta kala e nomwenyo alushelushe. Ou a shita eulu na keshe osho shili motapu ka kala vali efimbo, Ehol. 10:6.

Omunelao oye ou ta lesa na ovo tava pwilikine eendjovo douprofeti nde tava diinine odo da nyolelwa mo, osheshi efimbo ola fika, Ehol. 1:3.

OMBILI KAALESHI

Kuku Maija Kantele sho a thiki mOwambo, okwa gandja ekundo lye sho ta kundu aawambo ayehe. Ekundo lye olya tokelwa molwedhimbwo lyetu okuholoka mOmukwetu. Olyo ano ndjoka tali landula mpaka:

AAWAMBO AYEHE HAA POPI OSHISOOMI.

Nani, omo ndi li ishewe mevi eholike lyaawambo. Oshikumitha oshinene kungame tashi holola esilohenda lya Kalunga enene. Sho nda zi po

mpaka, omumvo 1962 okwi nda dhi-ladhila, evi ndika itandi ke li mona we, shila aantu yamwe yamwe ayeke, mboka taye ya ku Soomi. Sho twa kala mu Durban twa tegelela oskepa yetu tu ye kevi lyaandjetu, onda lombwele omutumwa gumwe ngoka inaandi tseye nale: "KOWambo, oko nda hala, ha ku Europa." Mokulalekathana kwetu okwa kwata ndje koshikaha niikaha ye ayihe iyaali nokwa ti: "Otatu ke ku galikanena, u mone ompito yokugaluka natango." Onde mu pandula ngaa ihe ndi idhiladhilile mu ngame mwene: "Galikaneni ngaa, ihe ompito ndjoka itandi ke yi mona we." Ihe Kalunga okwa uvu omagalikaneno gawo. Na hambelwe!

Nda pandula wo Epangelongerki sho lya li inali vulwa okwithana ndje olwindji nokuli, ngashi wo epangelo lyaatumwa nookume oyendji yomOwambo. Yaloo, ndangi!

Omaimbo oga li po ogendji, no nda li momalimbililo omanene. Ihe Kalunga sho kwa ithana ombadhilila omwameme, osheli, ngoka a li a pumbwa ndje unene omolwuukulupe we, onda dhimbulula ehalo lya Kalunga olini, na opo ndi li ngashingeyi etandi mu indile, mu galikanene ndje okuya kwandje huka kwaa kale osima, ihe Kalunga na simanekithwe mwayihe.

Aakwetu aawambo naasoomi taye mu kundu unene. Aasitagongalo Josia Mufeti, Abisai Shejavali na Kristof Shuuja naadhona omulongi Aune Shilongo nomupangi Ottilia ya Isak Kaholongo, ayehe haa popi nokuli oshisoomi. Ayehe ya kala wo olwindji molweendo taa talele po ookuume ketumo nomagongalo. Aasita Mufeti na Shejavali taa ka galuka ko mbala. Oya kala nokwiilonga moskola yokombanda noya yuulukwa nokuli kevi lyaandjawa naakwawo. Esiku limwe onda pulakene, Aune Shilongo nkene a popithwa mu radio, oye nokwa yamukula kee na nando omutolokeli, nando a li a ningile mu Soomi etatakati lyomumvo alike! Ano Kalunga he ya kwatha miinima ayihe. Inatu dimbweni oku ya galikanena nokomeho wo. Eeno, omukwanegongalo kehe a pewa okugalikanena aaniilonga yomepya lya Kalunga, unene aasita yegongalo lyaandjawa. Omagalikano haga uvika, ngashi to mono nomenyolo ndika. Nomugalikaneni mwene ita kala ita mono eyambeko.

Omuwa Jesus Kristus a gwana okuhambelwa ku tse nena naluhe, unene omolwombinzi ye ondjapuki!

Taambeni ekundo lyandje

Maija Kantele.



Abisai Shejavali mu Suomi

ELINEEKELO LINENE

Omukwetu okwe lineekela kutya, mOmudo ou tau uya (1966), ota ka mona natango ovalandi, ovambesteli vahapu vOmukwetu. Elineekela, ovakriste momaongalo etu mOwambokavango ovo ihava tambula nde ihava LESHA shito Omukwetu, momudo 1966 otave ke li nyolifa. Neudo ava ihava tambula Omukwetu, otava kufa nee dimba meembwa, tava yoolola okawe aka ka fimana mokati kedu, tava efa domashendjo, tava kufa ko eenghaku, opo omudo 1965 pehovelove lishangife diva. Ou ihe shi LESHA, okwa fa omunhu e kwetiwe komayulu. OKULESHA eendjovo da Kalunga, otaku pashula omesho okomutwe naa omeni.

EENDJOVO WA HALA DI TULWE MOMUKWETU

Nga to tameke okunyola sha wa hala oku shi tuma shi tulwe mOmu-kwetu ile mEhangano, lipula tete nawa. Lipula: oshike handi ka nyola na ohandi shi nyola ngahelipi. Otwa tumbula nale: Kufa ko omapeta koshinyolwa shoye. Ino tuma omapeta. Tuma ehuku.

Nge wa mana okunyola, lipula tete vali: Onda nyola tuu eendunge? Oitya ei nda longifa oi na tuu oshilonga? Ile oitya neendunge dange otadhi ka lundululwa? Omu na mbela omapuko? Oshinyolwa otashi kelengedja ngahelipi? Onda dimbuluka tuu oileshifo? Elaka eli nda longifa, oitya nokunyola okwa yuka tuu? Ile onda undula ashike opena? Omu na sha tuu tashi tungu? Onda nyola pamwe mehwo lange? Oinyolwa youkriste oi nokunyolwa nounghulungu. Lipula, konakona tete, fimbo ino kufa ombapila nopena.

Nge to tumu efano: Nyola pokambapila kanini eshangelo lefano. Oolye ve li mo, hano omadina. Ova fanekelwa peni nova li tava ningi shike noilonga yavo. Okambapila ka nateka komunghulo wefano (oshipelendo). Tu henukeni yo oinyolwa ya nyolwa omanyala ekola. Hatu twikile komesho.

L.M. Shemuvalula.


EHEPAULULO LA NZIMANDE NA PILWE

Na ove twala ovamwoye kundokotola diva.

Pilwe nomukulukadi waye ova li va limbililwa unene molwokaana kavvo Sipho, ko oka li taka yahama onhulo, ka ninga omafiku ka utama ko ke udite olutu alushe. Ove mu twala koshipangelo, ta konakonwa, okwa monika e na TB.

Omundohotola okwe va lombwela nokutya, okaana otaka tambulilwa monasalesa. Osho ngaha Sipho okwa kala ta hakulwa e li kombete oule womudo umwe, shaashi omapunga aye okwa li e na eembululu noipute yakula.

He Nzimande na ina Pilwe, ova ifanwa va fanekwe yo nokaana kavvo kokevele Busalaphi. Nzimande okwa monika oupute vanini kepunga laye lokolulyo. Busalaphi vo na ina okwa li ve na yo TB yokomapunga, ndele okwa li inini.



Mefano ndika aapangi otaa palutha e taa opaleke aanona oothigwa mOnandjokue. Tu iopalekeni ano oomweenyo nomalutu getu. Tu igameneni koombuto dhomavu, unene aano-na yetu tu ya sileni oshimpwiyu. Tu ya pangitheni kuyele.

Omushamane nokaana ova pewa eepela nova kumaidwa, ve di nwe shili nouidiinini nova kale hava minikilwa efimbo nefimbo. Nzimande okwa lombwelwa ngo a twikile oilonga yaye, shaashi oTB yaye kakwa li i na oshiponga kuvakwao moilonga nokakwa li tai imbi oilonga, shaashi inai ninga eembululu momapunga. Busalaphi na ye ina nangekwa, okwa kumaidwa ashike ina e mu pe omi daye nawa.

Ovo ova kala nokudiinina ouhaku wavo oule womido ivali. Jesus yo okwa kala omuhumbati wavo.

Eshi omido ivali ya pita po, omundokotola okwe va lombwela, va kale ashike hava ile omi nokuminkilwa lumwe momudo.

Nzimande okwa li a pandula shaashi ehakulwo eli inali mu efifa oilonga yaye (alushe ohashi dulika okukala ho pewa ashike omi koka-pangelo ngenge oTB yoye inai ninga oipute neembululu momapunga). Pilwe yo okwa li ta hambelele omolwehakulo eli, eshi ina efa po oilonga yeumbo laye, okwa dula okulungamena Busalaphi meumbo. OSipo ashike okafiona aka ka ya monasalesa molwaashi oTB yako oya li ya ninga oipute neembululu komapunga. Okwa kala ashike omudo umwe na mukwao okwa ya a ka kale ku Both's Hill, fiyo oipute ya veluka filu. Opo konima yeedula mbali okwa shuna keumbo a ondoka, nokwa dula nee okukala pamwe na vakwao. Nande ongaha okwa kala ngo ha tambula omi, opo tuu oipute iha aluke vali. Tate Kalunga ote tu kwafa momaudjuu etu aeshe.

Ngenge u na TB ninga ngaha: Shiiva oididiliki ya TB. Ngenge owa tala ndele oyo naana i ku kwete, inda diva koshipangelo. Limonifa omhepo italala ihapu, nokuli nangala mondunda i na omakende a yuuluka. Pwilikina olutu lwoye nomaudano e lili noku lili, inda ku ndokotola. Konga oikulya ei tai tungu olutu: nwa omashini mahapu, oikulya ii noihapu unene, itai tungu nande oikondjifi molutu. Oikulya nai kale inini ndele oiwa. Inda ku ndokotola opo u kwafwe.

Ngenge ou na TB, ino i tandavelifa ku vakweni, dulika keemhango edi: ino fiila omate keshe opo, kakele ashike nge u na nande onastuke, ile u na ombapila oyo hai dulu okuhwikwa po. Lila mokayasha koye ke lili na nwina mekopi loye li lili. Oililomwa yoye nai likalele naana. Ninga keshe osho to lombwelwa kundokotola. Vendwa, nwa omi ngashi to lombwelwa. Nande ou wete wa fa u li nawa, eembuto da TB inadi fya mo mwove.

Itavela eshi to lombwelwa "Muhalombwelwa oha i netudi movanhu."

Elundululo lomu SANTA.
Lineekela M. Hauala.

OMALAKA MAKULU

Omukulu wonale okwa tile: Lya omhuku, u pukuluke! Lya odidi, u didi!ike! Lya ongungu, u ngungumane. Omalaka makulu taa ti: Ngenge ope na ou ehe na eendunge, oye ne di indile ku Kalunga oye note di pewa. Tu pukuluke hano.

OSHITUTHI SHETUMO

Odula keshe mu Juni, unene Iwopomafiku 5-8, mu Suomi ohamu danwa oshivilo sheedula detumo. Neudo otwe shi dana koshilando Lappeenranta omolweedula 106.

Ookaume ketumo ovakulunhu nounona va dja keembinga neembinga kokule nopopepi okudana oshivilo shetumo. Eendjila da li po dile, noyee-ndifo tai pula oimaliwa, ndele eshi ashishe inashi kufa po ehala movakulupe nomouputuputu okufika ku Lappeenranta.

Oshivilo sha danwa pefimbo liwa, efimbo olo omifitu nomatunda e nomwiidi utalala nomiti di na omafo a hapa, oudila otava hambelele Kalunga, outalala wa ya- olumi la hengumuka po nomatale otaa yandje emoniko liwa. Etango otali minikile nawa, apa naa penye ovanhu otava hafele okukala momutenya. Na unene oshivilo osha danwa mefimbo letililo lOmhepo Iyapuki. Movapopi voshivilo novapwilikini, osha holoka, Kalunga a popifa ovanhu keenghono dhOmhepo Iyapuki. Otwa fudifwa notwa pamekwa meitavelo nometelelo nohole yetu oya hwamekwa okuudifa Evangeli lOmwe-
ne wetu Jesus Kristus fiyo te uya.

Moshivilo omwa yapulilwa metumo ovanyasha ovalumenhu novakainhu, kumwe ove li 23. Omuyapuli a li omuwilikitumi Olavi Vuorela novakwafi vaye. Vahapu vomovayapulwa tave uya okuyakula nokukwafa oiwana yetu yomu S. W. A. Kalunga na hambelelwe shili eshi te tu tumine ova-
tumwa natango.

Koshivilo eshi, ngaashi aveshe opo hatu ende, otwa shakeneka ko vahapu ovakulunhu nounona ovo ve mu hole nande inava mona oipala yeni; tave mu kundu unenenene nosho tava ti, kaleni mu shi shi otave mu ilikane-
nene shili.

Shiwana shange oshiholike shomu Afrika louningininomutenya, Jesus ta ti:
"Onye mwa pewa oshali, yandjeni yo oshali".

Abisai Shejavali.



Mefano mu na ovayapulilwa metumo. Vahapu vomuvo otave uya ku Afrika. Meyapulo eli omu na pastori Kalle Syrja, e na ovamwaina vavali ve li mOwambo. Na 'ye yo ote ke uya kOwambo. Konima yeyapulo, omulongi pombanda T. Tirronen neumbo laye, nomulongi Aune Hirvonen, ova nangekwa nouputa okuuya mondjila ku S.W.Afrika.



Omuwilikitumi ta popifa ovanyasha moshivilo shetumo moshilando Lappeenranta mu Suomi. Ovanyasha va yululila vakwao eembapila (plakate), mwa nyolwa: "Indeni ka ningeni ovanhu aveshe ovahongwa vange. Ndele tala ame ondi li pamwe na nye keshe efiku."

HAMBELELENI OMWENE OSHESI OMUWA EFILONGHENDA LAYE HALI KALA ALUSHE

ETSEYITHOHIYO


Oshifo shOmukwetu otashi tseyitha, tashi hiya no tashi indile aakwanilwa nomalenga naasimani ayehe, aakriste naapagani, ya tameke okukala haa lesa oshifo shOmukwetu. Ngu kee shi okulesha, na kale hi ithana omuntu e mu leshele. Elaka ekulu lyi-
gwana ohali ti: "Aaleli aawanawa oyo

mboka haa lesa (readers are leaders").

MOmukwetu omu na oohapu dhoo-ndunge tadhi tungu no tadhi ndunge omuntu komwenyo nokolutu. Ngoka he shi lesa aluhe, okwa fa omuntu i iyoga moshipala. Tu kuthe-
ni ko oongaku ootatekulu, oshoka oshinima osha fa tashi ya ponto. Onda-ndo yasho momumvo kayi thike pon-
dando yohema.

Omukwetu.

M U S U O M I



Mongerki yakula (ya tungwa noipilangi) mwa li mu yadi ndo. Ovanhu vamwe ovakala ofika novamwe va li pondje. Opa longifwa embako, opo ava ve li pondje va ude ko.



Omuwiliki woseminari youfita kOtimbingwe, Pastor Otto Milk, okwa li novanumbo laye mu Suomi. Okwa yandja yo omakundo moshivilo shetumo. Omatumbulo aye amwe oo aa: Mu Afrika omu na oumuhame-ndi, oukomunisme noukwashiwana - Aishe otai kondjo. Ndele onda yeelwa kutya, Kristus Jesus ota ka kala alushe omufindanilela wa Afrika.



Omulongi Aune Shilongo ota yandje yo omakundo moshivilo kovanyasha. Omutolokeli waye oku shiivike, oye meekulu Nelago S.Kyllönen.


HAMBELELENI OMUWA

Hambeleleni Omuwa, one aayengeli ye, one omagulu gopombandambanda, one iishitwa ye, one aakwaniilwa yevi niigwana ayihe, oshoka edhina lye olyo alike lya simana, Eps. 148.

Ehambelelondjimbo ndika tali udha egulu nevi, olyo tuu twi ithanewnwa oku li longekidhila Kalunga ketu mokulonga oshilonga shetumo, shaa mpoka oye te tu tumu.

Omahokololo gopetameko gomOmbimbeli yetu nokuli taga holola, omuntu nkene tu ukile meyonuuko, shaa tuu a zi koshipala shOmuwa, ngashi Kain a ningi, 1Mos. 4: 16.

Ihe nomanga uuyuni inau dhikwa, Kalunga okwe tu hogolola mu Kristus tu kale aayuuki naakaanoshipo koshipala she mohole, Ef. 1: 4.




Omutenya ovanhu va ongala pokapale koudano. Opa li oipopiwa i lili noi lili nongudu yovaimbi (koor) tai imbi.

OHUNGI YOVAAFRIKA MU SUOMI


Ovaafrika vahapu, hanga va yadifa oshipundi osho shi li komesho, ngashi to mono mefano olo, ovawambo tave lihongo. nokukonakona oinima i lili noi lili mu Suomi. Koshipundi tashi shikula, otaku monika omutanzania (omutanganyika), na ye yo ote lihongo mu Suomi.

Ohungi inene yovaafrika twe i longekidilwa komufita wongerki yetumo, K. Pesonen, e li omutumba pamwe na fye mefano. Ohungi oya li iyadi ndo. Ookaume nookaume ve uyile okuhungila pamwe novaafrika.


Ovaafrika ove li omutumba koshipundi. Ovawambo: Mufeti, Shejavali, Shuuja, Kahonlongo na Shilongo, oto va mono nawa.



Abisai Shejavali ta yandje omakundo mohungi.



Ongudu yovaafrika otai imbi.



Aune Shilongo okwa yapulilwa oukongindjila.

UDIFILENI AVESHE

Tse tu nokwiidhimbululithila uunongo wa Kalunga ketu, opo twaaye mu dhiladhile pandjele yooyene yilongo yaantu mbaka taa pangele kehe ngoka moshikololo she, ihe kaye noku mu longela nokuvulika kuye. Osho tatu longwa nomefatululo lyehempululo lyeitaalo.

Okudhimbulula uunenenkondo wa Kalunga taku tu tidhile moshilonga shetumo, oshoka ngame omuntu gwa Kalunga kandi wapa okumwena manga muuyuni omu naantu itaa simaneke Kalunga ketu, ngashika oye

oku nokusimanekwa kaantu ye ayehe. Membo lyOmapsalmi oondunge dhika tatu dhi adha wo opendji. Oohapu dhimwe tadhi ti: Simanekeni Omuwa, one omazimo giigwana, eeno, simanekeni Omuwa nokuhokolola oo-

nkondo dhe! Eteneni Omuwa esimano lyedhina lye, eteni omagano, ne mu ka holoke muuyanda we! Ikotameneni koshipala shOmuwa, mwa zala uulenga uuyapuki, kakameni koshipala she, iilongo ayihe! Eps.96:7-9.

OUNYUNI OTAU TONGO SHIKE

OMUSHAMANE MUFETI A FIKA MOWAMBO

Omushamane Josia Mufeti, ou e lilonga oule weedula nhatu mofikola yokombada mu Suomi, okwa fika nawa medu lavo.

Omushamane Mufeti a hulifa elilongo laye mu Mai 1965. Opo a dja mu Helsinki noskepa nde ta i ku London. Mu London a tala Ehangano lokunyanyangida eembibeli nde a kala ko oivike ivali. Konima a tukila ku Johannesburg nosho tuu ku Windhoek.

Omushamane Mufeti okwa fika mOwambo pamwe novatumwa vape ovasuomi. Ovo: Helmi Makkonen, Toini Nykänen, Aune Heikkilä na Hanna Porola ou a fyaala kOtjimbingwe. Ava aveshe kave shi manga Oshiwambo nde hatu va halele ouwa wOmwene.

Omushamane Mufeti okwa etelela omakundo mawa mahapu, a dja kovawambo ovo va fyaala natango mu Suomi. Osho yo e tu etela omakundo ohole, a dja kovawiliki nokovakriste aveshe vomu Suomi.

Omushamane Mufeti ota ka hovele oshilonga shaye mEnongelo lova-

OVASHAWANA OVA PULA EKWAFO

Eenghundana da dja moshilando Francistown shomu Bechuanaland otadi ti: Omunangudu yepangelo umwe, omushamane James Haskins, okwa pula nediviliko ekwafo kepangelo lOvaingilisha molwondjala yovanhu noimuna i li medu laye.

NGASHINGEYI NENGOMBE OTALI LILI

Okwa tseyithwa nale kutya, mOwambo otamu tungwa oondolopa nomalukanda. Ngashingeyi olukanda lwo-pOndjondjo nOndangua okwa tya owala to. Omukuluntu gwetungo ndika, omusamane Oelkers nomusamane Loubser omukuluntukonakoni gwetungo, oya ti: Omagumbo 152 ogo manga taga tungwa. Pokati kolukanda tapu tungilwa oongulu dhoostola, ohotela, ombaa, oongulu dhomaudhano nokino no sho yiigongipangelo osho no sho. Ngashingeyi engombe olyo hali fala aantu milonga.



Mefano otu wete omushamane Josia Mufeti neumbo laye. Meme Rauna Mufeti pamwe nounona Saima Johanna na Lahja Penehafo Ljaalukeni va shakeneka omushamane Mufeti kOniipa. Keumbo ku na oshiveli Sara Peliue ehe mo mefano.

yakuliongalo mEngela mOukwanyama.

Eshi a pulwa oukwatya wovanhu, wepangelo nowedu lovene la Suomi, okwa ti: Ongerki yomu Suomi oi na ombili osheshi oi li meameno lepangelo. Ovakwashiwana ova manguluka. Oinima aishe ohai udafanwa nawa. Edu lovene oli na ouyamba womeva, oyimati noikwadu i lili noi lili. Ohole yovasuomi okuhola ovawambo oi li ko inene.

YA YI KEFUDHO KU SUOMI

Kuku Helmi Haapanen, omukuluntu gwookoshuise dhaamati naakadhona, a ka fudha po oomwedhi ndatu mevi lyaandjawa mu Suomi. Osho wo meme Maija-Liisa Kaljunen, a yi pamwe na kuku Haapanen sho ta ka fudha wo mu Suomi ethimbo lyoomwedhi mbali.


Meme Kaljunen ota ka galuka tango, ihe egaluko lya Haapanen olya tegelelwa mu Septemba omumvo nguka. Kuku Haapanen okwa kundilepo aawambo ayehe.

OMAUDU, NONDJALA OTAI KOMBO MU INDIE

Eenghundana da dja mu Nieu Delhi, otadi tongo omukifi womedimo u li ko. Oupyu unene, omaudu nomhumbwe yoikulya oya eta efyo kovaindia vahapu. Moshilando shimwe Assam, omwafya ovanhu 600 nomukifi owe lihanena akushe.

Mu Nieu-Dehli oupyu wa li walonga fiyo egrade 108 F. novanhu vahapu ova fya koupyu ou. Kwa tongwa yo kutya, ovanhu 1.7 miljoen ve li moilando 3,400 otava fi ondjala. Paife Amerika otali kwafa noku va tumina oikulya, ndelene oikulya itai fiki nawa kwaveshe, osheshi vamwe ve lyaafane komakule.

KALUNGA OYE EGAMENO, MATATI WO NEGONGA. OYE NO TE TU SHIGI MO, MOONGODHI NO MIIPONGA. OOHAPU DHOMWUA TU DI NA DHA KOLA KAA DHI VULU. OMUPOPILI NGU TSE TU MU NA, KALUNGA KOMEGLU!



Mefano otu wete olukanda lwa Ndangua na Ndjondjo tali tungwa.

AALESHI TAA NYOLA

OMAPULO

Ekodhi lyokOlange M. E. T. Hepunda, olya tumine ndje omapulo, ta pula ndje okanaku ndee "nomatsi gefuma."

1) Oshike taku ti Adam a humbata omutengi wa Eva, naye okwa li a mita hano, na ova tulilwa kumwe peni, ile etulokumwe ola tameka kohango yapeni?

Aawe, shivalelwe, ohango yotango oya dhanwa mOparadisa. Kalunga oye a li omuhokanithi 1Mos.1:28. Kalunga okwe ya yambeke ---- evi mu li udhithe aantu. Mohango Adam ota kaluka nota tanta ohango meimbilo lyotango lyuuntu moondjokana sho ta ti: "Nguka esipa lyomomasipa gandje nonyama yomonyama yandje" 1Mos. 2: 23. Okuhumbata omutenge gwa Eva, oshoka Eva "e mu lungitha eentaku dhomeya—" sho a li komuti gweso no kwe mu tidhitha meyana lyEden.

2) Kalunga oshike a li ha kongo pu Jakob, ye okwa li a shuna monima eshi a hambola ovalikadi vavali, nokonima okwa mitika po oukadona vovakalele vaye? Ovalikadi ovo va li hava tula ovanhu kumwe pefimbo linya hano?

Tala ko mentu gwa meme, omuntu, oshimpulu a eta ombaleshe muuyuni oye Lamek gwomoluvalo lwa Kain, 1Mos. 29: 21-29. Ihe Kalunga ta, holoka ku Jakob nando okwa hokana ombaleshe - ombanda, opo a ninge omuntu gwe. Esilohenda lya Kalunga enene tali tu adha moonyata opo li tu opaleke. Aakiintu inaa tya sha uunene shomupondo moondjokana, aalumentu tuu, unene oohe yaakadhona naamati.

3) Olye a tula kumwe Martin Luther nomwalikadi waye?

Omusitagongalo Bugenhagen eti 13 lya Juni omumvo 1525.

4) Maria ye mwene nge omahengu taa valwa, ota valulilwa peni? Ile okkadona ngenge ka mitikwa kohamba inaka mita koo?

Omukwanyama ka pula tuu nguu! Kalunga okwa popi mu Jesaja 7: 14. Omukadhona ta ningi omusimba no ta vala okamati "Immanuel." Ongerki oye shi iteela. Ayehe mboka ya nyolelwa moramata yomwenyo yOnzigo na a dhipagwa, otaa hempulula omuka-



Ovamati vomefano ota-va tungu onduda. Taleni, eehonga da shakena pedutilo nde da mangwa kumwe nomatwatwa. Ngeno ovawambo aveshe va hangane ngaha mu Jesus. Oshiwana yo ashishe shovawambo nashi hangane kumwe, pa kale eudafano limwe. Elaka loiwana hali ti: "Een drag maak mag."

K. Shitumua, Windhoek, ota gwedhele keuvitho e li uva mongerki mEndola esiku lyEtililo lyOmbepo Ondjapuki ta ti: Aagundjuka yatatu konima ye mongerki oya popi no ya kudhile pethimbo lyeuvitho. Aantu oyendji inaa landula euvitho molwekudhilo lyawo. Nani osho omuntu ta pitililwa po kekongo lye. Ohatu vulwa okupulakena omauvitho uule wootundi mbali. Ihe poyiindingili yilwe aantu taa kala po nando ootundi 8 ihe itaa vulwa. Tu galikaneni Omuwa e tu kwathe mpaka.

ndona Maria. Ihe ayehe mboka itaa ka hupithwa no inaa nyolelwa moramata yomwenyo, oyo ye nihelele yokupilikila oomwenyo dhawo dhi vule okukana. Ehol. 13: 8, 2Petr. 3: 16. Lesha Luk. 1: 34-35.

5) Omulongi ngenge a mitika ina ya moskola oskola yekufilo lolutu otayi ka tameka naini hano?

Omwenyo nolutu ihatu i yoolola. Oskola yomwenyo oyo tsuu! Ngoka e nomwenyo omuyogoki oye ta mono Kalunga. Oshoka aanelago omboka ye noomwenyo dha yela Mat. 5: 8. Olutu onawa wo tuu shili ngele otalu mono omadhengo galwe gaa shi ashike "Ondhila ya Mwashinda" "nOshange". Ando a kwinnunwe nongola yombashe wo.

6) Okuhombola ovalikadi vahapu okwo ondjo ngoo, ye Salomo okwa li e va na omafele?

Oshiima tuu Salomo te tu londodha koshiponga shaakiintu tuu! Okwa nyanya mo sho i itsike uudhigu noluhodhi sigo okusa kwe. Aakiintu oye mu ningilile mo taa! "Oonkondo dhoye inodhi manena maakiintu — oonakuyona po aakwaniilwa." Oma-yeletumbulo 31: 3. Salomo okwa ningililwa mo kaakiintu nokwi itsike uudigu noluhodhi sigo eso lye.

Taku tsikilwa moshifo tashi landula.

J. J. Nambuanga, Windhoek, ota hambelele Kalunga, sho oohapu dhevangeli tadhi uvithilwa mu Angola. Ota ti: Mu Angola mwa kala omilema nuuposi wokomwenyo, ihe onda nyanyukwa sho mu na olamba yoohapu dhOmuwa ya tema.

Hafeni Haikali, Box 589, Windhoek: ota ti: Inatu dimbwa okwindilila ovamat vomehalakano na ovo ve li koilongo yopondje, Kalunga e va longekidile eemhito dokukonga nokukala mondjila yehupifo. Mehalakano lavo va konge ouwa woshiwana shavo noku henuka aishe tai shundula omunhu noshiwana shaye.

Jeremia W. Shimpulu, Windhoek, okwa lesa okambo "Ou na tuu onghenda noshiwana?" nokwa kuminwa ehuku lako. Ota halele yo ovakriste ve ka leshe nova ndungikwe kuko.

Monika Dalondoka Haimbodi, Ondobe, ota kundile po ovaleshi ta ti: Ovawkwetu, djaleni oikuti yOmwene ya hongana. Dimbulukweni, efimbo ola tya keenguloshi. Efiku linya lahuninwa tali uya diva. Omwene pamwe ta ka tya: Djeni po, kandi mu shii.

Sakaria Nghikongwa, ota ti: Ope na uunona uushona tau pwile kOmbishi. Itau yakula we aakuluntu yawo no itau kala moskola. Oluhepo olunene sho omidhi dhoshilongo tadhi kala inaa dhi longwa. Aanona oyo omidhi dhoshigwana shetu. Ngele taa halakana itaa kala mooskola, nena omidhi dhoshigwana otadhi fumvuka mo. Ondi shi shi ope noluhepo lwonkayi talu imbi aanona mooskola. Aavali wo oyendji inaa fatukilwa kokusila oyana oshimpuyu shiizalomwa, opo aanona ya kale nawa moskola. Tu taleni po nawa taa!

Matheus T. Elago, Kombat, ota kumagidha aamati mba haa longo mookomboni, yi ikongele aalongi yoku ya humitha komeho momalongo. Oshoka okutseye otaku kwatha omuntu apehe.

Selma David, Swakopmund, ota popi eso lyomusamane Simon Mika womu Swakopmund e ta gwedhele ko ta ti: Aluhe Omuwa ote tu tseyithile kutya, ethimbo lyetu lyomuuyuni oyo efupi. Tu ilongeki-dhe, oshoka otatu si.

FINSE SENDINGDRUKKERY
OVAMBOLAND
ONIIPA